

आकाशवाणी

खबरां प्रेमिला जम्वाल कोला।

1. ब्हाई हादसे दी जांच करने आले ब्यूरो नै अहमदाबाद च एयर इंडिया दे जहाजे दे हादसे दा शिकार होने दी रस्मी जांच शुरू करी दित्ती ऐ।
2. राश्ट्रीय जांच अजेंसी एनआईए नै अमृतसर पुलस चौकी पर ग्रनेड हमले आले मामले च पंजाब ते हरियाणा च केइएँ थाहरें छापे मारे न।
3. विदेश मंत्रालय नै भारतीय नागरिकें गी लॉस एंजलिस अमरीका च चला'रदे विरोध प्रदर्शनें दे चलदे मुनासब एहतिमात बरतने लेई आखेआ ऐ।
4. इजराइली ब्हाई सेना नै कल रातीं ईरान पर ब्हाई हमले कीते। ईरान नै मिसाइल दागने दी धमकी दित्ती।
5. म्यूनिख जर्मनी च कल खेड्डें गी आईएसएसएफ विश्व कप 2025 मकाबले च भारती नशानेबाज सिफत कौर नै 50 मीटर रैफल नशाने च कैह तगमा जित्तेआ।

<><><><><><>

Air Undia Crash

ब्हाई हादसे दी जांच करने आले ब्यूरो नै अहमदाबाद च एयर इंडिया दे यात्री ब्हाई जहाज दे हादसे दी रस्मी जांच शुरू करी दित्ती ऐ। सिविल हवाबाजी मंत्री राम मोहन नायडू होरें जानकारी दित्ती जे हादसे दी जांच अंतर्राष्ट्रीय नागरिक हवाबाजी संगठन दी तैह प्रतिक्रिया तैहूत गै कीती जाग। नायडू होरें दस्सेआ जे सरकार इस मामले दी तफसीली जांच आस्तै बक्ख-बक्ख क्षेत्रें दे माहिरें दी इक उच्ची सतह दी समिति दा गठन करा'रदी ऐ। एह समिति डोआरिएं दी सुरक्षा गी मजबूत करने ते भविष्य च इयै नेह हादसे थमां बचाह बारे उपाएं पर व्यापक चर्चा करोग। एयर इंडिया नै अहमदाबाद थमां लंदन जा'रदे यात्री ब्हाई जहाज आले हादसे च 241 लोकें दे मारे जाने दी तस्दीक कीती ऐ। एह जहाज कल दिने 1 बज्जियै 39 मिंटे पर अहमदाबाद ब्हाई अड्डे थमां डोआरी भरने दे तुरत मगरा हादसे दा शकार होई गेआ हा। जहाजे च 242 यात्री ते क्रू सदस्य सोआर हे। यात्रिएं च भारत दे 169, बरतानिया दे 53, पुर्तगाल दे 7 ते कनाडा दा इक नागरिक हा। इंदे अलावा 2 पायलट ते केबिन क्रू दे 10 सदस्य शामिल हे। गुजरात दे साबका मुखमंत्री ते बीजेपी नेता विजय रूपाणी होर बी मरने आले च शामिल न। रमेश विश्वास कुमार नां दे इक यात्री इस हादसे च सुरक्षित बची गेआ ऐ। टाटा ग्रुप दे अध्यक्ष एन.चन्द्रशेखरन होरें हादसे च मरने आलें हर व्यक्ति दे परोआर आलें गी कंपनी दी तरफा 1-1 करोड़ रुपे देने दी घोषणा कीती ऐ। उनें आखेआ जे टाटा ग्रुप घायलें दा पूरा पूरा इलाज करोआना जकीनी बनाग ते एहदे लेई सारा खर्चा बी चुकोग। उनें आखेआ जे टाटा ग्रुप बी.जे. मैडिकल कालेज दे तबाह होए दे होस्टल दी थाहरे पर नमां होस्टल बनाने च बी मदद देग। गृहमंत्री अमित शाह होरें कल अहमदाबाद च हादसे आली थाहरे दा दौरा कीता। उनें सिविल हवाबाजी मंत्री राम मोहन नायडू, गुजरात दे मुखमंत्री भूपेन्द्र पटेल ते आला अधिकारिएं कन्नै राहत ते बचाह आले कम्में दी समीक्षा लेई इक बैठक लाई। बैठक मगरा शाह होरें मीडिया आलें गी आखेआ जे इस हादसे कन्नै पूरा मुख्य दुखी ऐ ते हादसे च मरोने आले दे परोआर आलें कन्नै खड़ोते दा ऐ। उनें दस्सेआ जे सिविल हवाबाजी मंत्रालय नै हादसे दे कारणें दा पता लाने लेई औपचारिक जांच शुरू करी दित्ती ऐ। गृहमंत्री अहमदाबाद सिविल अस्पताले दे त्राउमा सेंटरबी गे, जित्थें घायलें दा इलाज कीता जा'रदा ऐ। उनें डाक्टरें कन्नै मिलियै इलाज प्रबंधें दा बी जायजा लैता।

<><><><><><>

Condolences

अहमदाबाद दे ब्हाइ हादसे पर दुनिया भरे थमां शोक संवेदना आवा'रदियां न। संयुक्त राष्ट्र दे महासचिव एनटोनियो होरें सोह्गी परोआरें कन्नै बसोस प्रगट कीता ते जखिमएं दे तोले नरोए होने दी कामना कीती ऐ। अमरीका दे राष्ट्रपति डोनाल्ड ट्रंप होरें इसी इक खतरनाक हादसा आखेआ ते अपनी संवेदना प्रगट करदे होई अधिकारिक सहायता दी पेशकश कीती। बरतानिया दे प्रधानमंत्री केरी स्कारमर होरें बड़ा मता दुख ते बसोस प्रगट कीता ऐ। की जे हादसे च मरोने आलें च बरतानिया दे केई नागरिक बी शामिल हे।

<><><><><><>

NIA Seaches

राष्ट्रीय जसंच अजेंसी एनआईए नै अमृतसर पुलस चौकी ग्रनेड हमले गी दिक्खदे होई पंजाब ते हरियाणा च आतंकी संगठन बब्बर खालसा इंटरनेशनल कन्नै जुड़ी दिएं बक्ख-बक्ख थाहरें पर छापे मारे न। एनआईए नै दस्सेआ जे कल पंजाब च अमृतसर, तरणतारण, फिरोजपुर, पठानकोट, कपूरथला ते रूपनगर ते हरियाणा दे सिरसा च 15एं थाहरें दी तपाशी लैती गेई। तपाशी दरान मोबाइल फोन, डिजिटल उपकरण ते दस्तावेजें सनें जब्त कीते गे। इंदी तफसीली जांच कीती जा;रदी ऐ। पुलस चौकी गुमताला पर एह हमला पिछले दिने पंजाब ते हरियाणा च कनून नाफिज करने आली अजेंसिएं गी नशाना बनाइयै कीते गेदे बब्बर खालसा इंटरनेशनल दे हमले दी कड़ी च ऐ। इस आतंकी संगठन दे विदेशी कार्यकर्ता हैपी पासियन नै इस हमले दी जिम्मेदारी लैती ही। एनआईए नै दस्सेआ जे हमले लेई विस्फोटक ते माली सहायता बब्बर खालसा इंटरनेशनल दे सखन सिंह नै बग्गा सिंह ते मनदीप सिंह गी उपलब्ध कराई ही। बग्गा गी इस ब'रे फरवरी च पंजाब पुलसै गिरफ्तार कीता हा जिसलै के मनदीप सिंह अजें बी फरार ऐ।

<><><><><><>

MEA

विदेश मंत्रालय नै अमरीका दे लॉस एंजलिस च चला'रदे बरोध प्रदर्शन दे चलदे भारतीय नागरिकें गी पूरी चाल्ली एतिहात बरतने दी अपील कीती ऐ। विदेश मंत्रालय दे प्रवक्ता रणधीर जयसवाल होरें लॉस एंजलिस दे हालात बारे पुच्छे जाने उप्पर आखेआ जे भारत विदेशें च रवा'रदे भारतीय नागरिकें दी सुरक्षा ते हिते गी प्राथमिकता दिंदा ऐ। उनें आखेआ जे लॉस एंजलिस च बड़ी बद्ध गिनतरी च भारतीय न। जयसवाल होरें आखेआ जे सैन फ्रैंसिस्को च भारतीय दूतावास स्थिति पर नेड़मी तक्क रखा'रदा ऐ ते भारतीय समुदाय कन्नै रखने च बी ऐ।

<><><><><><>

Israel-Iran

उजराइली ब्हाई सेना नै कल रातीं ईरान पर ब्हाई हमले कीते। ईरान दी राजधानी तेहरान कश बंब धकाके दी बाज सनोची। इजराइल दे रक्षामंत्री इस्रेल काट्क्ष होरें दस्सेआ जे ईरान दे परमाणु ते सेन्य ठकानें गी नशाना बनाया गेआ। ईरान दे सरकारी टेलीवीजन ने खबर दिक्ती ऐ जे तेहरान च रेवोल्यूशनरी गार्ड्स मुख्यालय पर हमला कीता गेआ। स्थानीय मीडिया बी इस थाहरे थमां अगू दियां लपटां उट्टपे ते धूआं निकलने दी खबर देआ'रदा ऐ। इजराइल च

आपात स्थिति घोशत करी दित्ती गई ऐ। अज्ज पूरे इजराइल च स्कूल बंद रौहगन। ईरान तेजिया कन्ने बघदे परमाणु कार्यक्रम गी लेइयै दौनें देशें बश्कार तनोतनी बघी गई ही। अंतर्राष्ट्रीय परमाणु ऊर्जा अजेंसी दे संचालन बोर्ड नै 20एं ब'रे च पैहली बारी ईरान पर परमाणु निरीक्षकें गी सैहयोग नेई देने दा दोश लाया ऐ। ईरान नै देसे च त्रिया यूरेनियम संवर्धन स्थल स्थापत करने दी घोशणा कीती ऐ। इजराइल केइए चेतवनी दिंदा आवा'रदा हा जे ओह ईरान गी परमाणु थेआर नेई बनाने देग।

<><><><><><>

ISSF

भारती नशानेबाज सिप्त कौर सामरा नै कल न्यूनिर्क जर्मनी च आईएसएसएफ विश्व कप 2025 च 50 मीटर महिला रैफल मकाबले च कैह दा तगमा जित्तेआ। 23एं ब'रे दी सिप्त कौर नै फाइनल च 453.1 स्कोर करियै त्रीह थाहर हासल कीती।

<><><><><><>

WTC

आईसीसी टैस्ट चैंपियनशिप दे फाइनल च कल आस्ट्रेलिया नै दुए घ्याड़े दा खेड़ड मुक्कने तगर अपनी दूई पारी च 8एं विकेटें दे नुक्सान पर 144 रंज बनाई लैते हे। हुन इसी दक्खन अफ्रीका पर 218एं रंजें दी बढ़त हासल होई गई ऐ ते स्टार्क ते नाथन लयोन अजें क्रीज पर गे न। पैहली पारी च 212 रंजें पर गै सिमटी जाने मगरा आस्ट्रेलिया नै शानदार गेंदबाजी दा प्रदर्शन करदे होई मैच च वापसी कीती। दूई पारी च 8एं विकेटां मुआले दे बावजूद आस्ट्रेलिया ने 200 कोला मते रंजें दी बढ़त हासल करी लैती दी ऐ। एहदे शा पेहने दक्खन अफ्रीका दी टीम पैहली पारी च 138एं रंजें पर ऑल आउट होई गई।

<><><><><><>

Hockey

एफआईएच हॉकी प्रो लीग च कल संजा अर्जेन्टीना नै भारत गी 2'1 कन्ने हराया। मैच नीदरलैंड दे एम्सटेलविन च वेगनर हॉकी स्टेडियम च खेड़डेआ गेआ। मैच मिां पैहले दौनें टीमें कल अहमदाबाद च ब्हाई हादसे च मारे गेदे लोकें गी श्रद्धांजलि देने लेई इक मिंटे दा मौन रखेआ।

<><><><><><>

Read: Promila Jamwal

Stand By: Abhilasha Sharma

Editor : Kunal Shrivatsa

D.E.O. : Mukesh Gupta

Skilled : Rajat